

EXITOSO CONCIERTO ESTUDIANTIL SCOL ARUBANO DI MUSICA..

Fotos y Texto: Jan Poets.

DEN AMBIENTE

** Diadomingo ultimo den Cas di Cultura, Scol Arubano di Musica a organiza nan tradicional "Concierto Estudiantil", cual a resulta den un exito rotundo. Un publico grandi a goza y a aprecia e tremendo demostracionnan cu e alumnonan di Scol Arubano di Musica a sa di presenta riba nan diferente instrumentonan. Porcierto cu diadomingo ey tabata net e dia di celebracion di Tata, y esaki tabata un bunita regalo pa e Tatanan di por a sinta den un forma relajante y sinti nan mes hopi orguyoso di mira nan yiu luci riba escenario demostrando su talento artistico.

Pa e alumnonan aki tambe e tremendo apoyo cu nan a sa di ricibi for di e publico cu tanto nan presencia como e fuerte aplausonan, tabata

uno di gran valor cu a duna nan mas motivacion pa sigui den e fascinante ramo artistico. E docentenan tambe a keda masha satisfecho cu e apoyo di e publico y mas ainda sumamente impresiona di mira nan trabao ser corona cu e tremendo demostracionnan di nan alumnonan.

Durante e concierto estudiantil aki a keda demostra cu na Scol Arubano di Musica, e docentenan ta trahando hopi duro cu nos futuro musiconan y cu den futuro Aruba por conta di un man yen di musiconan profesional. DEN AMBIENTE cu tabata presente na e formidable concierto estudiantil aki, awe den un forma EXCLUSIVO ta publica dos pagina fotografico pa asina ilustra e fantastico trabao positivo di SCOL ARUBANO DI MUSICA..



** Esaki ta docentenan di Scol Arubano di Musica cu ta trahando hopi duro pa engrandece Aruba musicalmente..



** E grupo basico infantil ensemble cuarta bao guia di maestro Doedel Sophia presentando "Ban ban pasa un rondo"..




** Aki por aprecia e joven pianista Anthony Figaroa presentando e cancion "Annette" di Rufo Wever (q.e.p.d.), acompaña pa maestro Frankie Janga riba bass..



** Trompetistanan y trombonistanan bao guia di maestro George Viguier..



** Suzanne Edwards riba piano presentando e cancion "Voice of the Heart" di H. van Gaal..



** Giuitaristanan bao guia di maestro Chucho Hoek kende porcierto ta e director di Scol Arubano di Musica..